

1608

1608

# HARANGVE PRONONCE'E AVX PIEDS DV ROY ET DE LA REYNE,

En presence de Messieurs les Ducs d'Anjou,  
d'Orleans & autres Princes du Sang, &  
principaux Officiers de la Couronne,  
à Saint Germain en Laye le Lundy  
19. iour d'Auril 1649.

*Par M<sup>e</sup> Clement, Iuré Coutelier à Paris, si re-  
nommé pour les Controuerses. Les Iurez des  
Corps des Métiers de la Ville, étant tous allez  
ensemble ce iour là protester de leur obeïssance  
& fidelité à leurs Majestez.*



A PARIS.

---

M. DC. XLIX..









## H A R A N G V E P R O N O N C E E

aux pieds du Roy & de la Reyne, en presence de Monsieur le Duc d'Anjou, & autres Princes & Grands de la Cour, à S. Germain en Laye le Lundy 19. Avril 1649. par Maistre Clement Furé Coutelier à Paris, si renommé pour les Controuerses. Les Furex des corps de Métiers de la Ville estans tous allez ensemble ce iour là protester de leur obeïssance & fidelité à leurs Majestez.



## S I R E,

Ce ne sont pas icy les plus considerables Habitans de vòtre bonne Ville de Paris, mais ce ne sont pas les moins fidelles, ny les moins obeïssans de vos sujets, qui ont souhaité, S I R E, avec

A ij



beaucoup de passion de venir faire à ge-  
 nous vne protestation toute particuliere  
 à V<sup>otre</sup> Maie<sup>sté</sup> de leur obeissance. Nous  
 n'auons iamais eu tant de ioye, M A-  
 D A M E, que lors que l'on nous a as-  
 seurez que V<sup>otre</sup> Maie<sup>sté</sup> ne dedaignoit  
 pas de nous faire l'honneur de nous re-  
 cevoir à ses pieds, & de nous entendre,  
 C'est ce qui nous a donné la liberté de  
 nous presenter icy pour rendre à Vos Ma-  
 iestez nos tres-humbles soumissions, &  
 pour leur protester que nos desseins ont  
 tousiours esté & feront à iamais de vi-  
 ure & de mourir dans vne entiere fidelité  
 & parfaite obeissance telle que nous de-  
 uons à vos Majestez. Que si pour nôtre  
 malheur nous auons esté trompez en ce  
 qui s'est passé depuis que Vos Maie<sup>sté</sup>  
 sont sorties de Paris, nostre simplicité,  
 M A D A M E, est nostre meilleure iusti-  
 fication: Protestans que nous verserions  
 plutost iusques à la derniere goutte de nô-  
 tre sang, que de manquer à la fidelité que  
 nous vous deuons. Si nous estions assez  
 heureux, M A D A M E, pour rencontrer  
 quelque



quelque occasion où Vos Majestez en  
voulussent faire l'épreuve, nous ne man-  
querions pas de leur faire voir des chefs  
d'œuvres de nostre amour & de nostre  
obeissance. Mais après ces témoignages  
de zele qui partent du profond de nos  
cœurs, nous nous sentons obliger, MA-  
D A M E, de faire connoître à Vostre  
Maiesté le ressentiment que nous auons  
de la grace qu'il luy a pleu nous faire en  
nous donnant la Paix. Nous n'ignorons  
pas que nous devons ce bon-heur à la  
seule bonté de Vostre Maiesté, & que  
nostre soulagement nous est particuliere-  
ment venu de vostre Clemence, & de la  
douceur de vostre Conseil & de vostre  
Gouvernement. Aussi, M A D A M E,  
nous vous en rendons nos tres-humbles  
remercimens, & en reconnoissance d'un  
si grand bien, nous continuerons de faire  
nos prieres à Dieu pour la conservation  
de vos Personnes sacrées, & pour la prof-  
perité d'un si glorieux Regne, & d'une si  
douce Regence. C'est là, M A D A M E,  
les veritables sentimens des pauvres Ar-



risans de Paris, qui n'ont plus à souhaiter pour comble de leur felicité, que de re-  
 uoir Vos Maiestez dans le Louure, où  
 elles sont tant desirées de tout le Peuple;  
 mais principalement de nous, M A D A-  
 M E, dont le bon-heur & la ioye depend  
 entierement de vos presences, puis qu'elles  
 nous donnent le moyen de gagner nôtre  
 vie, laquelle nous reconnoissons estre  
 obligez de sacrifier pour le seruice de Vos  
 Maiestez. Nous y sommes engagez par  
 nostre naissance, par vos graces, & par le  
 serment que nous faisons lors que nous  
 sommes receus à nos maistrises. Nous le  
 garderons inuiolablement comme nous  
 deuons: Et nous ne croirons pas, M A-  
 D A M E, qu'il puisse iamais sortir de plus  
 beaux ouurages de nos mains, que ceux  
 qui feront connoistre par nos actions, que  
 nous sommes les tres-humbles & tres-  
 obeissans & tres fidelles seruiteurs & suiets  
 de Vos Maiestez.

*Après quoy le Roy de sa propre bouche leur  
 dit, qu'il estoit fort aise de les voir, & que leurs*



soumissions luy estoient fort agreables. La Rey-  
ne leur fit à peu près la mesme réponse, Et leur  
promit de ramener le Roy à Paris aussi-tost que  
les affaires le permettroient. Ce qui fit pleurer  
de ioye tous ces pauvres Artisans, qui s'en re-  
tournerent tous glorieux de l'honneur qu'ils  
auoient receu: publiant les tendresses de nostre  
ieune Prince, & de nostre Grande Reyne.

